

皇明經世文編

皇明經世文編卷之三百十一

徐孚遠開公 陳子龍臥子

華亭

編輯

宋徵璧尚木 周立勳勒貞

張王治無近叅閱

高文端公文集

疏

高儀

遵遺詔會議郊社諸典禮及耐葬耐享之制疏

祀典升祔

一郊祀之禮謹考國初建園丘于鍾山之陽用冬至

祀天以日月星辰太歲從祀建方丘于鍾山之陰用
夏至祀地以嶽鎮海瀆從祀俱奉 仁祖淳皇帝配

又築朝日壇于城東夕月壇于城西用春秋分行事
夕月亦以星辰從祀俱不奉配洪武十年始定合祀
之制每歲正月擇日行于大祀殿三十二年更奉

太祖高皇帝配永樂十八年北京大祀殿成行禮如
前儀洪熙元年增奉 成祖文皇帝並配嘉靖九年
始建圓丘于南郊冬至祀天以日月星辰風雲雷雨
從祀建方澤于北郊夏至祀地以嶽鎮海瀆 陵寢

諸山從祀俱奉 太祖高皇帝配又建朝日壇于東郊以春分祭日無從位建夕月壇于西郊以秋分祭月亦以星辰從祀俱不奉配臣等議以爲天地分祀昉於周禮圜丘方丘之文自漢以來歷代分合不常諸儒議論不一我太祖定鼎之初與一時儒臣斟酌考訂首建分祀之禮其後因感齊居陰雨始改合祀至我皇考大行皇帝仍建四郊如洪武初年之制蓋太祖始分而後合皇考改合而爲分然皇考之更制卽太祖之初制也今分祀已久似難

紛更宜照例南北二郊于冬夏至日恭請聖駕親詣致祭仍奉太祖高皇帝配其東郊以甲丙戊庚壬年西郊以丑辰未戌年聖駕親祭餘歲遣官代行其太歲仍於歲暮孟春遣官專祭至如天神地祇已從祀南北郊其仲秋神祇壇之祀不宜復舉一祈穀之禮謹考 祖宗朝原無祈穀之禮惟郊外籍田有先農壇國初每歲仲春上戊日聖駕親祭先農遂耕籍田永樂後惟遇 列聖登極之始僅一舉行其他歲遣順天府官代嘉靖九年始以孟春上辛日行祈穀

禮于大祀殿。十年以啓蟄日改行于圜丘。十八年又改行于禁內之玄極寶殿。遂爲定例。而先農之禮亦不廢。臣等謹議禮稱元日祈穀于上帝。其詳亦不可考。我國家先農之祭。蓋卽祈穀之遺意。自皇考俯納言官之請。肇舉此典。夫旣祭先農。復云祈穀。二祀并行于仲春。不無煩數。且玄極寶殿。當禁嚴之地。而使百官陪祀。宵分出入。事體深有未安。臣等竊以爲宜罷祈穀之禮。止于先農壇行事爲當。恭遇聖主登極。則親祀先農。并行耕籍禮。其餘每歲仲春。仍遣

順天府官代行，庶合祖宗舊典。一大享之禮，謹考祖宗朝原無大享之禮。嘉靖十七年，我皇考舉明堂大典，以季秋享上帝，奉睿宗獻皇帝配。尋乃撤大祀殿，改建大享殿。然每歲惟于禁內之玄極寶殿遣官行禮，以爲常，亦未嘗於郊壇親祭也。臣等謹

議明堂大享，雖稱古制，而制度之詳，亦不可考見。

此一時以義起，不可爲常制。

皇考肇舉此祀，無追崇睿宗以昭嚴父配天之

孝。但自皇考視睿宗，則睿宗爲嚴父。自皇

上視睿宗，則睿宗爲皇祖。若以今日仍奉睿

宗配帝似于周人宗祀文王于明堂之義不甚相協恐非所以妥 睿宗之靈而安 皇考之心也故臣等以爲大享之禮可罷一社稷之禮謹考國初建太社大稷異壇同壝以勾龍后稷配洪武十年改建同壇同壝罷勾龍后稷配以 仁祖三十一年更奉

太祖配永樂中北京壇成位置如故洪熙間又奉成祖配嘉靖九年遵復初制以勾龍后稷配十年復于西苑隙地墾田樹穀建帝社帝稷二壇每歲以仲春秋上戊次日行祈報禮臣等謹議天子社以祭五

土之祗，稷以祭五穀之神，名曰太社。太稷而帝社，稷

其本於所謂王社耶

之名，則自古及祖宗朝皆無之。國初太社稷之建

悉遵古禮，而皇考仍以勾龍后稷配，實合太祖

初制，無容別議。至于帝社稷之祭，不無嫌于煩數，臣

等竊以為止宜照舊奉太社太稷之祭，其帝社帝稷

宜罷勿舉。一 陵葬廟祔之禮，謹考我國家自宣

宗以前，陵寢合葬，皆止一后。至裕陵則二后同

祔葬。茂陵則三后同祔葬。若太廟祔享，則惟一

帝一后。又后惟元配始得升祔，恭惟孝潔皇后為

皇考大行皇帝元配禮應合葬 永陵祔享 十廟

先年神主回京時本部曾請祔享以其時未有本室

暫祔奉慈殿側以俟 孝烈皇后雖曾正位中宮然

先年升祔時以處疏廟議論甚多

非元配今先已祔廟又奉 孝潔皇后同祔則二后

並配非 祖宗舊制若因 孝烈皇后先祔而遂使

孝潔皇后不得升祔則舍元配而祔繼配亦非 祖

宗舊制况 孝潔皇后宜祔之禮 皇考先年已有

欽依近日復有遺命臣等竊以爲 皇考大行皇帝

升祔太廟之時宜請 孝潔皇后祔享而移奉 孝

烈皇后於別所仍于 大行皇帝發引之先遷奉
孝潔皇后梓宮于 永陵與 聖母梓宮同日祔葬
孝烈皇后既已祔葬似當以次列祔其 孝潔皇后
孝烈皇后尊謚乞勅臣等撰擬議文奏進薦上冊寶
庶幾名分正而典禮全矣。

議放宮女疏

釋放宮女

看得浙江道監察御史凌儒題稱 先帝選取宮人
所積不下數千餘人 皇上兩次釋放數百餘名但
潛從中出復多老病以致號呼道傍漫無所歸其幽

在深宮者尚屬數多。乞要通將在內宮人姓名籍貫照冊稽查預行父母兄弟之家先期以待。仍差各該衙門逐一揀選除衰老無依者咸與收留其餘悉皆放出願歸鄉井願有室家者各聽一節爲照宮闈嚴肅清朝盛事。長門幽怨自古所矜。查得先該巡按浙江監察御史王得春條陳乞要釋放宮女任求伉儷該本部覆議宮中人數間有曾經先帝御幸者例不外放。至於老成曉事或自己不願告出者俱合照舊存留。其衰老病廢及輕佻儇薄不堪奉事之輩卽

今酌量放出，已經題奉欽依外，今御史凌儒因見釋放數少，存留數多，其放出者處未得所，號呼道傍而被留者，幽閉深宮，不無愁怨，是以復有此論，無非仰贊皇仁，推廣德政之意，但欲本部查數先行，父母兄弟之家到京收領，則節次揀選官人爲數頗多，中間老少存歿，及見今供事與否，事在中禁，本部皆無可考。若止據其節年被選之家，預令人人候領，恐應否放出，尚未可知，似難一槩拘集。所據本官具論前因，相應酌議題請，合候命下，本部先行司禮監備查。

見在宮人若干，除曾經先帝御幸與衰老無依不願告出者，仍照舊存留外，其餘克備內庭使令之數如已足用，凡若老若幼與輕佻不堪者，盡數查出，將各姓名貫址一一開送本部，臣等立爲限期，移文各原籍官司查其見有父母兄弟親屬者，令其齎執本部原給帖文前來伺候，本部轉行該監照名發出，俾各認識無異，着令具領回還，聽其從便適嫁，如無親屬來領者，本部將名數開付五城巡視御史，令其出示軍民人等，如有身家無礙未娶妻室之人，情願婚

配者許其告領逐一查審結勘是的類行該監照數
發出各給與爲妻其查審及給發之時各御史務要
親自用心稽察毋得容令無籍之徒冒僞領去致使
失所給發之日本部仍委司官一員一同查驗庶以
仰承朝廷推行仁政至意

官文不多用行

晚上午一吉

議覆榮藩朝見宴待禮節疏

藩府朝參宴待禮節

儀制清吏司案呈奉本部送內府抄出榮王載堦奏
前事奉 聖旨禮部知道欽 該禮科參詳通抄
到部送司查得大明會典凡慶賀正旦王冕服文武

百官朝服四拜致詞又四拜凡冬至王壽日禮同又一款正旦王拜天地後卽詣祖廟行禮畢陞正殿出使官便服行四拜禮文武官具服行八拜禮又一款凡王之國所過州縣文武官迎接便服行四拜禮又一款大宴禮儀設王座于存心殿設文官四品以上座次于殿內五品以下座次于兩廡常宴禮儀同又一款洪武二十五年令王府筵宴按察司僉事入殿座于長史之上今該前因通查案呈到部看得榮王奏乞申明各官朝見待宴禮制大約有三其一謂

慶賀之禮、守巡等道、府衛縣等官、俱係守土官員、應具朝服致詞行禮、今知府不具朝服、不肯致詞、要同使臣一體行禮、以致爭辯乖制、其一謂本府舊規、巡撫巡按出巡到府、便服四拜、設宴于殿、以陪待之、守巡兵備道初任到府、便服朝見、令長吏承奉陪至承奉司待宴、今司府之官、每欲責以殿宴之禮、少拂其意、則或托避不朝、或入府不拜、或宴賜不受、以致祿米等項任其顛倒遲留、今欲仍照本府先王舊規、遣官待宴、其一謂守巡初任相見之儀、朝服便服、訓典

為祿米等項耳

王之

未載因而比照經過州縣迎接王用朝服事例以見其當用朝服各一節爲照王國之禮載在會典已爲明備惟本土官員初任朝見用何服色原無事例然朝廷之上止是三大節慶賀及頒詔傳制等項大禮百官方具朝服其餘陞遷行取初到朝見並無用朝服之例卽如王封之國會典明開所過州縣文武官迎接便服行禮今榮王乃稱經過州縣官用朝服迎接以見本土官當用朝服旣不免引用訛謬而舉朝廷所不用之例以求行於王國又不免倒置失倫且

守巡兵備。或係四品以上官。或係按察僉事。會典明開當宴殿內。今榮王乃自謂祖先莊王。曾宴于承奉司。而遂欲執爲定禮。又非尊國典而奉舊制也。旣經該科叅出。相應申明題請。今後王國之禮。合無悉照大明會典。凡遇正旦冬至王壽日。出使官使服四拜。本土官朝服八拜。知府不得築與使臣同禮。其大宴常宴。四品以上官。及按察司僉事。俱宴於殿內。五品以下官。宴於兩廊。不得仍前宴于承奉司。以違典制。本土各官。初任朝見。旣不當用朝服。又難初用公服。

應用錦繡常服爲宜。

議親政事疏

御朝面奏

儀制清吏司案呈奉本部送節於禮科抄出禮科都給事中王之垣等題前事又該吏科右給事中溫純題爲懇乞聖明亟圖覽本顧問之要以隆交泰事又該兵科給事中宋良佐題爲摘陳聖明缺政懇乞宸斷銳行以勵人心以隆治安事又該雲南道監察御史王圻題爲聖孝吉除請稽祖制修召對之曠儀復午朝之舊典上光帝業下釋羣疑事又該工科左

給中龍光題爲懇乞聖明端治體以弘聖政以隆聖
化事俱奉 聖旨禮部知道通抄到部送司案呈到
部看得禮科都給事中王之垣等 稱本科職掌章
奏通詳諸臣獻議惟延訪一事最爲切要欲乞修復
祖宗及 先帝舊規時御便殿召宰輔王臣訪論
治道至于章疏請命內閣輔臣分別另呈聖覽附以
簡明說帖講後面陳其九卿大臣許隨內閣面議請
旨仍令臺諫之臣隨之或命通政司鴻臚寺量裁
常套繁文或復午朝之制吏科右給事中溫純題乞

勤顧問覽章奏。或召閣臣。或召部院諸臣。面議時務。兵科給事中宋良佐題稱三事。其一請召見大臣。其二請親覽章奏。其三請聽從諫言。而終之以勵精之說。雲南道監察御史王圻題請修召對之曠儀。復午朝之舊典。仍乞將章奏一二緊要者。日於文華殿商確批行機務。一二重大者。日於蚤朝時親傳德音。工科左給事中龍光題稱三事。一曰慎動。二曰內省。三曰延訪。以上各疏。如聽諫慎動內省等項。事關君德者。惟在聖明留念。特加儆惕。即可下副羣臣之望。及

常朝儀節，午朝舊制，一時遽難收復者，俟當次第酌處，臣等俱未敢贊議。至於親覽章奏及延訪治道二事，則前此臺諫言之者不下數十人，本部題覆者已經三四次，向以皇上時在諒闇，尚冀有待，而今禪制已滿，乃猶未見舉行，所以諸臣又復交章陳請，據其論列，雖各不同，原其大意，均為忠懇，臣等竊惟治道貴於勵精，政體貴於練習，人君欲圖勵精之治者，則必明作以攬綱維，而不可幸於因循，欲求練習之方者，則必諮訪以廣忠益，而不可專於恭默。歷觀聖

終廟臨朝恭默寡言一時諫臣默替在此

帝明王。咸切憂勤。英君誼辟。每勞問察。蓋自古致治之隆。未有不由於是者也。今我皇上御極以來。於章疏間。嘗親賜批荅矣。於邊事。或曾面問輔臣矣。其於天下政務。不可謂之不加意也。然而批荅者。第偶出於一時。面問者。亦僅止於一事。竊恐章奏敷陳。未必日靡省覽。君臣志意。尚或阻於交孚。所以科道諸臣。私憂過慮。屢言而不置。臣等叅詳各疏。委於治理。有關當今切要第一事。莫過於此。相應依擬題請。伏望皇上俯從羣議。毅然舉行。自今以後。凡每日內

外諸司一應章奏。依例送內閣擬票。除常行事務。俟聖覽過。照常發行。不必一一面議外。中間如遇事有關係者。許閣臣分別擬票。另行呈進。次日朝講之後。卽於文華殿將前項本內略節及擬票緣由。逐一敷

陳恭候

皇上面加商確。親賜裁斷。其六部都察院

開寶政所宜舉行

掌印官。許五日一次同輔臣入對文華殿。擇其事之

尤有關係者。先期具題本。照常封進。仍將事件送本

部類進。春坊揭帖。其題本俟皇上覽畢。依例發內

閣。先行看詳。至日朝講之後。部院官晉詣御前。將前

項本內緊關情節。明白面奏恭候。皇上與輔臣重
加商確。特賜宸斷。施行若輔臣有啓沃謀猷所當入
告者。仍聽隨宜面陳。不必止於擬票事件。如部院有
緊要重務。所當急奏者。仍許不時請見。不必限以五
日常期。至於部院官進對之日。仍輪科道掌印官各
二員隨人。倘有事體未當者。許令公同評正。如此則
萬幾政務。自將習熟於聖衷。而羣臣愚歛。庶可仰達
於天聽。上下交而泰道成。唐虞三代之治。真有不難
致者矣。

議玉芝宮祀典疏

請罷玉芝宮祭告

議得我朝 宗廟享祀之典每年四孟時享及歲暮
大祫俱于 太廟行禮大小節辰及 列聖考妣忌
辰則于內殿行禮恭照 睿宗獻皇帝 慈孝獻皇
后已升祔 太廟及奉祀內殿前項行禮之日已與
列聖同臨鑒享今復有玉芝宮之祀者蓋我 先帝
大孝因心隨事制禮無非篤厚尊親之意但于一日
之間既祀于此復祀于彼雖 二聖神靈無往不在
而揆之禮典終有未宜頃奉遺詔于郊社等禮悉欲

斟酌改正則此一節先帝之心亦必有所未安也
且近奉欽依太廟已奉裕祭這內殿遣官且罷聖
見高明于內殿之祭尤爲可省既經駙馬都尉謝詔
等具題前來相應議擬合無今後玉芝宮四時歲暮
大小節辰祭祀俱各停罷以免煩瀆但既設有二聖
神位其日供之膳合無仍舊奉設惟復一體停罷均
乞聖明裁定等因奉 聖旨這祀禮出自我 皇考
孝思你每再詳議來說欽此欽遵臣等竊惟孝莫大
乎尊親禮莫嚴于廟祀故隨事以致享者所以廣不

賈之孝思而稽古以定制者所以昭有常之禮典茲
 者玉芝宮之祀先帝特舉以奉睿宗蓋意切尊
 親禮緣義起誠所謂不匱之孝思也而我皇上以
 其出自先帝不欲遽罷者是我皇上孝事先
 帝之心即我先帝孝事先帝之心也綸音懇惻
 敢不仰承但以此著為有常之典則將來恐有難行
 難繼者臣等忝備有司不敢不明言其故惟聖明裁
 擇焉查得今之玉芝宮即先年奉祀睿宗之特廟
 也嘉靖二十四年睿宗升祔太廟而特廟之祭始

正玉芝之生將亦天意之所在乎

睿宗崇祀特廟實典禮之

罷蓋所重在升祔也。至四十四年。該監守臣忽言殿柱產有玉芝。事狀頗涉奇異。惟我先帝篤念二親。以爲原廟之中。有此瑞應。不勝羹牆如見之感。於是特揭宮名。重建祀典。以擴克一念之孝思。而至于欽定儀節。則不用祝詞。不用遣陪。止命二臣上香叩首。是先帝之意。亦以爲一時偶行之禮。非云百世不刊之制也。若以我朝宗廟之常禮言之。如四時享祫。則止行于太廟。歲序忌辰。則止祭于內殿。未嘗併祭也。國有大事。或告于太廟。或告于內殿。亦未

嘗併告也。今于玉芝宮則無所不祭，無所不告焉。是于列聖止，皆一祭一告，而于睿宗則兩祭兩告也。其在先帝行之，則以爲豐于禰廟，未爲不可。而在今日行之，則非禰廟也。且睿宗於皇上爲皇祖，每事旣兩祭兩告矣，則遠而列祖近而先帝，皇上將何以處之。此所謂禮之難行，難繼者也。臣等竊以爲斯禮也，自先帝而行，自先帝而止，是行於其所可行，而止於其所當止也。禮之因時以制宜者也。皇上復繼而行之，是無時可止也。禮

之所未有者也。皇上體先帝之孝思，雖爲無窮，而中間顧有不能行、不能繼者。皇上之心，雖欲自盡，將來必有所未安也。至于日供之膳，則有可言者。查得南京奉先殿原奉太祖以上列祖神位于中，迨北京奉先殿成，南京奉先殿各祭俱罷，而日供之膳，則至今不輟。蓋以奉安神位之所，而特存有舉莫廢之義也。今玉芝宮旣係睿宗原廟，近又設有二聖神位，合無日供之膳，照舊奉設，而止罷其四時享祿及節序忌辰，并有事奉告之祭，庶幾典禮適中。

而于我先帝之孝思亦少慰矣

議停買玉石疏

停買玉石

臣等切惟慎廼儉德者哲后之永圖不寶遠物者明

王之盛軌我

皇上臨御以來躬節儉以風萬邦示

十塊共重六百四十餘斤似撝進監

敦朴以先天下罷不急之工作停非時之採辦薄海

內外仰頌聖明罔不懽忻鼓舞思見德化之成所謂

千載一時也廼今收買玉石一朝費價輒至萬有七

千餘金且尚以為不足而復欲增買似此舉動流傳

道路實駭聽聞仰惟皇上恭儉性成豈肯為此奢

靡之事。或者左右之人。妄意希寵。欲以珍玩奇巧。盡惑聖心。於是瀆奏收買。以試皇上。而皇上偶不之察耳。蓋收買回夷玉石。祖宗原無此例。嘉靖二十六年以後。雖曾有之。然或買或否。不以爲常。而其所買者。又皆選擇精良。斟酌留用。未聞不論美惡。傾囊盡收。如今日之甚者也。况內府寶藏。積自累朝。必先克物足用。而玉石之類。原無敝壞。豈至缺乏。即使稍欲增新。所需亦當有數。似此六百餘斤之廣。將安用之。奈何以不貲之財。供無益之費。惠利姦宄。取譏

遠夷臣等切為聖明新政惜也。且方今邊儲匱乏。措辦甚艱。間閭困窮。拯救無術。正宜樽節財用。以濟國家之急。而迺輕靡萬金。不復顧愛。豈所以示天下哉。伏望皇上俯垂省念。特勅該監將前項已收玉石。通行退還。後次傳收之命。即為收寢。更乞將太監滕祥等嚴賜戒諭。今後不得擅奏收買。有滋欺罔。如此則聖德昭宣。而遠夷無不心服矣。

議革光祿積弊疏

華光祿積弊

竊照光祿寺雖職顯供應。而經費出入。國計攸關。所

據少卿李鍵等條陳十事內除清器皿係隸工部掌
行移咨徑自議覆外其稽傳帖等九事臣等謹開列
前件議擬上請伏乞聖明裁定施行

計開

一稽傳帖照得日進御庖及各官膳羞俱有定額得
以遵辦至於不時添取迺憑尚膳監奉 旨傳示謂
之傳帖僅用片紙沿無印信甚有字畫差訛者事關
官用星馳逼集猶懼遲悞何由敢查所恃者每月查
刷御史進呈揭帖 皇上得以披閱使有所怵而不

爲耳。近月該監傳取愈繁，內使催逼愈急，詰之則云任登查刷，臣等竊意左右爲姦，希圖蒙蔽，揭帖匿不進覽，如掌司崔川等詐傳乾清等官攢盤，盡數誣分傳帖見在，管門者安敢疑其詐而不與也。餘可知矣。發遣雖足示懲，稽察尤宜詳密，伏乞勅下禮部會同巡刷科道及本寺設法互查，一應添取物料，該監須用印信揭帖傳旨到寺，方行辦進。本寺首領官照依六部司務揭帖事例，細開添取數目，每一六日進呈，仍乞聖明留神卽覽，發付忠謀內臣收掌，待月終

將查刷揭帖逐一對同，仍賜親核，永杜僞端。前件查得內禁不時取用物品，向有傳帖以稽數目，續加查刷以防欺濫，詐傳之弊，宜無所容也。今據少卿李鍵等題稱，比來朦朧取討，有如掌司崔川等者，蓋以揭帖沿無印信，內使執片紙以催取，而該寺遵帖辦進，不敢少遲。其於內傳真僞，槩無由辨。若非嚴行立法，何以杜絕弊端。合候命下，移文尚膳監，除日進常供外，其不時添取等項，須印信手帖，開傳明旨到寺，方行照數上進。但空白片紙，卽係詐傳。巡刷科道及該

寺指實叅究仍劄該寺每一六日開具揭帖將五日內進過添取數目進呈御覽發付忠謹內臣收貯俟月終令將查刷御史所進揭帖一一查對明白仍行面奏庶姦偽不得冒支而天厨不至妄費矣伏乞聖裁

一明規制照得筵宴事宜從禮部提調本寺供辦載在令甲曠廢不行久矣近遇經筵纂修盛典遵例辦設但卓敷分合無據列坐序次未明臨時臆慮頗涉周章今查 聖且慶成節令先年例有賜宴一應序

次品穀件數皆當講求於平日者也。又宮殿薦饌內外飯食諸人茶飯等項或銖銖未載者恣其侵漁因襲過糜者嫌於虛費比類實多。尤正釐正伏乞勅下禮部會同科道及本寺將一切事宜詳加議擬應仍舊者仍舊應改正者改正應定數者定數請候睿謨區畫著爲永規其大宴常宴或該禮部題請或該本寺徑題俱查照往例分注明白以便先期奏辦則正本澄源而天庖嚴肅矣前件查得宴享規制具載大明會典嘉靖十年間該光祿寺卿黃宗明造立須知

又經本部裁議覆題其間桌數之分合品數之多寡與夫官殿薦饘內外飯食夷人茶飯下程之類俱有定例該寺遵行久矣但豐儉事宜或有當釐正者今皇上登極之初實典禮修明之日一凡儀制委宜悉心講求再加詳定恭候命下劄付該寺查照會典及累朝舊制光祿須知酌以時宜可因可革或增或減造成文冊送部復行詳訂議擬題爲定式至于序坐一節如慶成恩榮纂修等宴原屬本部題請者本部貼圖序坐其欽賜酒飯及聖旦元旦冬至元宵立春

四月八日端午重陽臘八等節原屬該寺題請者例
應該寺會同鴻臚寺官照各衙門品秩序列俱合查
照舊規徑自尊行伏乞聖裁

一弛宴樂四月內據鐘鼓司二次揭稱俳師武佐築
除喪開樂候藍等爲水傀儡習藝勞苦俱照舊關支
飯食等因及五月內該監傳辦茶飯五般者三七般
九般者各一本月五般七般者各一臣等竊意三代
經制未嘗易今日雖先帝祔廟皇上除服而凡
進猶在正高宗諒陰之際出而吉服臨朝親理萬幾



以從臣民之望，入而淵默端居，夙夜敬止，以展思慕之心。此天下古今不易之通義也。皇上孝敬儉約，德粹性成，非日事宴遊，鐘鼓司諸役，供應有時，非日侍輿仗。今該監逢迎太過，每日於涼樓等處，裝備各般茶飯，爭華競綵，希求寵賚。武佐侯藍等，每日給領飯食，聽候取用，非惟糜費錢糧，實恐此名聞之四海，傳之萬世，有累聖德。似應停止，伏乞嚴勅該監，不得妄奏茶飯。該司不得領俳師傀儡飯食，示停宴樂，垂法無疆。前件查得古今喪制，雖各因時而諒，陰不言。

聞樂不樂。則明王之懿矩而聖賢之通訓也。卽今先帝雖已祔廟而几筵猶在宮闈。據少卿李鍵等所奏。是皇上儼然思慕之中。而猶於耳目之娛。有未能盡屏者。竊謂皇上聖孝天成。安得有此。無迺左右希寵之所爲乎。伏望篤念孝思。務崇節儉。嚴勅該監。毋得巧爲逢迎。以累聖德。所有裝備各般茶飯。大祥之內。暫行停止。其俳師武佐水僮。候藍等飯食。卽今住支。如內侍仍有希寵上請者。重治以罪。則聖孝立而萬化行矣。伏乞聖裁。

一止辦鮮查得寶坻縣出產銀鮮內使採取騷擾地方該內官監太監李芳奏請奉 旨停採 皇上軫

畿輔至深至遠隨該禮部議覆欲革弊於今垂法於久宜矣又謂遇用銀鮮等物光祿寺徑自處辦蓋將調停之也但嚴採取之禁而開買辦之端恤畿輔之擾而役輦轂之民似尤未妥况販鬻都市者不謂之鮮須將出時行戶先期赴該縣候採星馳買進給與官票則同一騷擾責令私買則坐索高價交收少遲時刻則稱變腐不堪指取常例地方之害未除而行

戶之疲愈甚。正所謂革一弊者增一弊也。及查奉先等殿薦新。如果菜鯉鱮之類。產於京城近地者。俱從宛大二縣辦解。太常寺轉進。本寺供薦。故本寺買辦止於常品。祖宗良法美意。不以難繼之物而供。簿與 皇上停採之仁。同一軌轍矣。今以銀鮮例之。近而果菜鯉鱮。遠而鮓魚茶菜。皆可行戶辦乎。勢恐難行事。貴謹始伏乞勅下監部申明前旨。採取買辦一切停止。查係此類者。仍槩行酌請。以廣休養。洪恩則地方受益矣。前件查得寶坻縣銀鮮。先該巡按直隸

監察御史郝杰有停採之疏。續該內官監太監李芳有革除之請。隨經本部覆奉明旨。停採。仰見皇上勤恤民隱至意。但據尚膳監稱。每歲當薦奉先殿一次。臣等以爲係于宗廟享祀。難於減革。且恐日後或以薦新爲由。復行差人採取。則事端難絕。於是始議該寺處辦。以立可久之規。今少卿李健等奏稱。不便。蓋慮交納繁難。累及行戶。無非體悉小民之意。但因行戶之告艱。而遽廢祖宗之常享。較其事體。孰爲重輕。臣等不敢擅議。况官價取給內帑。苟估直稍

裕自無受累之民。而銀鮮出自京邑。係且夕可得。初非難繼之物。合無仍行該寺。於每年薦新之時。依期處辦一次。止照該薦尾數。不得過多。內監於辦到之時。卽行收進。不得指勒遲延。額外多索。自薦新之外。不得再于該寺擅索一尾。著爲定例。如有內侍官需索常例。及妄行傳取者。許該寺執奏。巡視科道官糾舉。庶上不失事先之孝。而下有以永傳惠民之仁矣。伏乞聖裁。

一核實支。查得嘉靖四十三年九月內。延祺等官人

二千五百七十五分，至今年二月以前計二年五月中間止報開除十分，募於三月內傳扣三百餘分，四月內又扣七百餘分，則前此誣冒厨膳可知。今數尚盈千，恐的此輩皆服役先朝，皇上隆光天之治，別宮豈宜蓄幽怨之人，盡數放出，令酌室家，感召和氣，休迓百祥，在聖心一轉移之仁耳。至於造花緜帳、幔兜羅絨、雕漆等酒飯，歲月浸久，向無停住，豈有累數十年工作之理。如正月內二次傳給造龍床官匠何景春、侯堂等酒飯，蓋係見役前此造龍床曹相等。

迺嘉靖三十二年傳給者、停工歲久明矣、猶且一盤
冒支、他可類見、東上南門人匠張庸五十名、日支肉
米浮于職官、不知起何年月、口糧弘治三年、亦無憑
據、無經之費、莫此爲甚、況監局迺其職業、人匠另有
口糧、內府供役者多、奚止此數、一一分食大烹、日何
暇給、伏乞勅下禮部、會同科道、本寺移文各該衙門
清查分別、如果事體重大實係見役者、量爲核處、立
限住支、其餘不拘見役與否、酒飯一切停革、內人匠
照例止給口糧、則濫請之端可絕矣、前件竊謂理財

者經國之要務、而節用者足國之善經、我皇上登極以來、百凡浮費、可謂節省之至矣、但宮闈邃密、服役衆多、非外廷所能稽察、中間當節而未及、盡節誠有如火卿李鍵等所奏者、除官人已經二次放出、近該御史凌儒具題本部覆奉、明旨罷行、無容別議、外其各項工役、如東上南門工匠張庸等五十名、及先年造龍床曹相等三十三人、一則稱自弘治三年、一則起於嘉靖三十二年、歲久名存、支費如故、至於造花緜帳幔、兜羅絨、雕漆等官匠、累數十年、未見停工、

中間顯有冒支冗費情弊、合行巡刷科道、及本部委
司官一員、會同該寺嚴加清查、如有虛冒者、徑自裁
革、其正月二次傳給造龍床何景春侯堂酒飯、雖
見役亦要查覈實在人數、方許支給、仍限工完之日
截日任支、至于內府一應人匠、既有口糧、復食大烹、
真爲糜費、俱要一併嚴查、如有不係前項見役者、惟
給口糧、不許濫支酒飯、著爲定規、伏乞聖裁、

一汰冗食、昔周盛時、西旅貢獒、召公作書以戒、武王
曰、不作無益、害有益、功迺成、不貴異物、賤用物、民迺

足、擇者以珍奇爲異物遊觀爲無益。皇上登極之初、鶴鹿龜兔、給食大官者、一切驅逐、近該科部諸臣題允珍禽異獸不許進獻、其隆古帝王之盛節也、但獅子仍舊蓄之內苑、未蒙處分、本寺日供活羊一隻、更用乳糖和味、哆思麻黑麻等看養、又日給羊肉十斤、回子馬力等二名、係成化末年、丁阿力等四名、係嘉靖五年、俱進獅子之人、獅去人更、每日支羊肉十斤、不缺通計一歲、費羊六百餘隻、皆爲一獅子也、非貴異物賤用物者乎、倘勞 聖駕臨觀、正所謂無

益之。作也。西羊房假壽羊爲名。始自嘉靖七年十二月內。每日領本寺菜荳一石六斗七升。戶廠穀草二百四十餘斤。供羊一百六十七隻。迄今四十餘年。羊不減數。料不住支。虛耗無名。尤可痛惜。伏乞勅下禮部。再申前議。停止飼獅活羊。斥去哆思麻等。不留內苑。明白聲說。毋涉疑詞。戶部遵照。四月初十日奉旨。發下唐府貢賀羊六十隻。明例。卽查羊房見存羊隻。盡數取發。本寺供應。其馬力丁阿力等。原不當給。容本寺一面住支。庶爲誰冒者之戒。前件。查得先該

戶科左給事中何起鳴題止遠人非例貢獻及請止
飼羊之費隨該本寺覆題奉欽依珍禽異獸不許進
獻近日王府進貢羊隻又蒙明旨發寺供用遐邇臣
民僉有以仰窺 皇上不貴異物不賤用物之至意
矣惟獅子仍舊飼養日費活羊一隻哆思麻黑麻等
看養各日給羊肉十斤回子馬力丁阿力等六名一
自成化末年一自嘉靖五年俱進獅子之人獅去人
更尚每日支羊肉十一斤不缺通計一歲供羊以數
百計誠爲無益之費至於西羊房壽羊一百六十七

隻自嘉靖七年迄今垂四十載羊不減數料不任支
通計糜費荳穀不可勝計尤爲可惜少卿李鍵等奏
欲減革似於經費有裨合候命下行光祿寺將獅子
日飼活羊截日任支仍咨戶部卽查羊房遠年壽羊
草料停止如有見在羊隻盡數發送該寺供應其養
獅嗉思麻馬力丁阿力等除獅去人更者卽日任支
其見存者合無安插會同館照依各處夷人養膳事
例日與供給候彼地方貢使至日發回本國伏乞
聖裁

一減內差查得內官差在本寺如帶領厨役調割膳善者謂之坐家直宿雞房輪流催看者謂之掌司至於喪禮等項另有專管亦掌司類也元占太多廉勤寡鮮誑侵需索迺其常性喧肆無忌利竅百端於法實撓於事何補近又傳旨發張欽等五十名赴寺學藝添一人則增一害省一人則造一福若輩濫厠其中欲求風清弊絕萬無是理伏乞嚴勅該監將坐家掌司等量畱篤謹者數人應役責令管理監官及西門提督着實鈐束其餘掣回別差張欽等立限回

監毋得久住。如仍前冗占作弊者，聽科道指叅正法。紀以肅將來。前件查得天庖專備御用，內差役使，固不可缺。但冒濫過多，漫無定數，誠恐朋聚易於生奸。需索尤其常性，殊非事體。少卿李鍵等在寺日久，痛陳前弊，委亦非誣。合候命下，行移該監，將近日奉

旨發張欽等五十人，立定期限，令其習藝稍熟，取回本監外，如坐家掌司等類，聽巡刷科道官，同本寺酌議事務繁簡，每項該畱若干名，徑自奏請，行該監照數撥出應役，俱要常川幹辦，不得假托輪班往來混

擾通將職名開送科道及本寺知會如有仍前作威
媒利及無名冒入者許卽指名叅奏仍乞勅下管理
監官及西門提督嚴行約束則紀法肅而姦蠹祛矣
伏乞 聖裁

一處夷人近查外夷進貢者梯航不絕聖德覃敷遐
荒嚮化真太平之休際也本寺供給下程及朔望朝
卓日久頗費皆新舊壅積所致伏乞勅下禮部從長
計處如朝鮮等國輸誠率禮優款宜先其餘將見辭
酒飯賞賜筵宴擬定日期多不過半月諭其出境非

惟可以省用、而京師重地、體統亦尊矣。前件查得四夷貢使、舊例關賞後五日、即便出京、凡以昭中國謹嚴之制、峻四夷出入之防也。近年以來、賓館蓋

由賞賜等物、隸各衙門者、往往關給稽遲、而賞賜之後、夷人例當開市。又或私圖貲易、遷延不行、以致坐糜供給。今少卿李鍵等、乞要擬定日期、諭令出境、誠爲省費之一端、合無今後各夷人朝貢到日、本部題准賞賜物件、各衙門務要作速給發、夷人領賞之後、務要遵照先年舊例、五日後即便起程、如故畱不去、

有違限期，光祿寺先行任支下程，本部仍將伴送人員查叅究治，內有應該領勅者，各衙門亦須速給，伏乞 聖裁。

一酌庫貯本年二月內奉旨取本寺銀三十萬兩給賞邊軍，見存止一十八萬兩，有零登極一詔，民若更生，各地方官務緩征以廣德意，近查五月內支放過銀九千七百餘兩，收入者僅二千九百餘兩，雖各月多寡不同，將來漸減勢必至此，惟在聖明留心樽節而已，臣等前款備陳，如傳帖實當稽察，查刷實當檢

閱事規實當裁定。宮中宴樂實當屏弛。銀鮮實當罷。買先朝多人實當查放。內府工役酒飯并獅食羊料實當停止。坐家掌司實當減革。夷人實當速發器皿實當清理。一一舉行。省費不貲。事體無礙。人所共知。但日支者牽制於患失之私。議覆者調停于異同之見。恐無裨益。伏乞天語叮嚀。各該衙門悉心議處。務臻實效。通候歲終會算經費若干。儲蓄若干。不足則查催拖欠。有餘則量處額徵。省約始自內庖。風化行于中。外國計告訕之時。或可少培一二。屢那別項支

用尤非供應所宜。此可一行而不可再者也。仍乞
聖裁。前件查得該寺見貯銀止一十八萬兩有零。而
各該地方解獲該寺者。俱經本部驗批轉發。近日解
進。委亦鮮少。若非量入爲出。恐有不給。何以措辦。少
卿李鍵等所奏。無非樽節財用之意。通候命下行各
該衙門。實心節省。其見貯銀兩。旣先經邊軍缺賞奉
旨。已取用三十萬兩。今所存。尚未及其半。再難別項
那用。每歲終。巡視料道官備稽出入。如已足用。務緩
征。以廣德意。如或不足。聽該寺備查。應解錢糧。不在

詔書蠲免之內者，移文過部，轉行各該撫按衙門，催解備用。及查有徵完而未起解，及起解而未獲批單者，嚴行追究。又或已經本部驗批，轉發該寺上納，遷延日久，不獲實收者，一併查覈。庶侵欺者無所容，而供應不致缺乏矣。伏乞 聖裁。

議

禮部駁改殿門名議

請勿改殿門名額

殿門名 當特所多主 改從舊者 王 介州疏亦然

天子正朝之殿，所以臨御萬邦。其名義實至重。我皇祖締造之初，名以奉天。蓋用明王奉若天道之意。

先帝因天心示變革故鼎新之餘更曰皇極蓋取洪
範皇建其有極之意爲義並精所包皆廣至于他殿
閣名額先後雖殊意各有當夫皇祖爲勦業垂統
之聖君先帝實中興禮樂之英主凡有制作莫不
仰順天心遠稽古訓皆非臣下所敢輕議但竊見我
皇上御極以來善繼善述因革得宜凡事開典禮綱
常安危治亂遺詔所載者俱次第釐正其遺詔所未
及無俟更張者則率循成憲不愆不忘蓋釐正者所
以新一時更化之宜而率循者所以存三年無改之

義聖明舉措高出千古。若殿門等額遺詔未載關係頗緩。今使於先帝山陵甫畢之後。一旦舉而盡更之。竊恐皇上純孝之心。有所未忍。臣等以爲仍遵舊名爲當。

皇明經世文編卷之

皇明經世文編卷之三百十二

華亭

陳子龍臥子 宋徵璧尚木

選輯

徐孚遠闇公 何 剛慈人

華玉芳芳乘參閱

萬文恭公集

書

萬士和

四上徐存齋相公

倉場之事、近來紛紛之說、幾于亂人之聽、而不能調停酌處、則事體殊未妥、且如插和糠粃、虧放軍士、此

從來積弊，然自軍驚以後，收時插和，固不能盡絕。而放時插和，固已少矣。又湖廣江西紅白和米，收貯日久，未免蛀屑灰塵，殊不耐看。若一舉指爲插和，呼吸之間，變可立起。愚意以爲只當督責監收主事，親自檢束，時時查看，則此弊可除。軍士自然帖服，不可豫言放時插和。恐鼓動衆心，助其聲勢。蓋軍雖跋扈，未嘗敢嫌米醜。在場中喧嚷，若反先發其端，不幾於教猿升木乎。此其所當慮也。南都積棍，內則戶部糧儲巡倉各衙門書手皂隸人等，外則歇家軍斗軍餘驢

脚夫人等、無慮數千人、皆倚倉塲爲生命、可以立法漸革、不可以一齊頓革。故本職近與戶部設立長單、刻期打發、革去歇家、不用保狀、詢之解糧員役、近日使費已減大半。是亦漸革積弊、而寬糧解之意也。官攢守支、因米耗折、坐累者多、自前日議革耗米二升、而官攢益困矣。蓋糧長使費在于暗地用錢、而不在于明白加耗。明白加耗、每石二升、暗地用錢、每石至一錢一二分。故革暗地之錢、以厚糧解、存耗米之餘、以備倉折、亦是事情。但經近題、未敢請耳。故處軍士

之道當以好糧陰厚之。而外則示之以法。不當驟以
驕之。處積棍之道。當立綱紀以整齊之。而其要則須
俟之以漸。不當驟以駭之。處糧解之道。當愛惜其雜
用。而惟令其米之乾淨。處官攢之道。當明白與之加
耗。以免賠賤之苦。而無使盡塞鼠穴。好處穿破。以圖
爲挿和之計。則倉塲可一清而人心肅然矣。不然朝
更夕改。此甲彼乙。吾之規模且未定。而何望其有成
績哉。

疏

條陳南糧缺乏事宜疏

嘉靖四十五年

竊惟留都重地，所資以守衛者，軍士也。軍士之所資以無恐者，足食也。總計各衛官軍俸糧，除放折色外，每歲月糧及行糧等項，共該放米八十餘萬石，及准戶部歲派倉糧，除折色外，實在派本色米九十萬石，以入數准放數，無甚贏餘。即使升合無欠，僅足支放。奈何各該有司習爲怠緩，徵運不前，或人戶旣納而任積猾侵欺，或司府起批而任解頭行運，遂使逋負歲多，倉儲日少。卽如嘉靖二十八年以前，在倉米

二百八十七萬石有零、見今在倉米不過一百三十萬石有零而已、如遇水旱輸納不時、不知何以應之、

若不設法嚴催、未免臨渴掘井、無及于事、咎將誰歸、

此其勢甚急、所宜亟處者也、再照倉場積弊、其端不

一、一半在司、一半在倉、大要歇家指稱打點、而挾騙

生弊

解糧人戶糧解希圖插和、而買求在官人役、臣奉

勅書除姦革弊、謹條爲六事 上請

一、嚴法守、以振偷惰、竊照南糧之與北運、同一軍需
急務也、各省北運、依期完兌、而南糧拖欠獨多者、以

人情習慣。官吏亦視爲可緩。不與北運同也。伏蒙
皇上勅命總督。許其叅究。節該當事之臣。申明事例。
可謂嚴矣。而延緩如故。臣以爲猶未得其要也。夫催
徵之要有三一。曰。及時。臣聞先年本色糧米。俱于冬
收之時。年裏開納。今有司直待徵完北運。纔徵南糧。
已是二三月矣。斯時也。人心已懈。閭閻亦空。欲一一
完辦。其將能乎。合無通行各省。將北運南糧。一齊催
足。待正二月間。北運起兌時。責令部南糧官一齊起
解。限以日程。不許時刻違誤。催徵旣早。心志自一。此

與後時而徵者。功相萬也。二曰專課。夫臣之所職者。專在糧儲。其所以課有司者。亦惟錢糧一節為重。糧完者。他事在所可畧。糧欠者。他善亦所不取。何也。所謂良有司者。以催科為第一務也。所謂善催科者。非必嚴刑刻法。但盡心稽考。無使姦頑拖欠。積猾侵欺。而課自然完矣。故錢糧不完。而謂別有政績。無是理也。即得此人以江西一省論之。異時逋賦甚多。自今任左叅議黃正色四十二年管事以來。夙夜奉公。立法詳密。遂使該年通省錢糧升合無欠。雖四十一四十二兩

今安

年積負催解一清。且其爲政平易。近民無事。苛刻所謂善催科之效。此其驗矣。合無今後總督舉劾專以錢糧爲主。不得借名他善。曲爲庇護。則人知趨向而事有專功。亦庶乎其一助也。三曰賞罰。今舉劾雖行。但人情久玩。須於舉劾之外。再加賞罰。使盡職者得以久任而成功。闕茸者不得僥倖而苟免。故管糧之官。如黃正色者。最宜久任。但恐其資望既深。遷轉在邇。且其守已潔白。臣所熟知。乞徑擢本省叅政。再任數年。吏習民安。成功可必。其諸有司錢糧不完者。陞

遷不得離任。行取不得起送。考滿不得給繇。有故違者。許部院指名叅。奏如此。則人各爲其身而輸納者。爭先矣。以上三者。所謂操得其要。法守振而偷情自起者也。

一議本折。以權盈縮。查得南京各衛月糧。每歲二月。十月放折色銀。每石五錢。其餘十箇月。俱放本色米。米有貴賤。貴時值銀六錢以上。賤時不滿四錢。今見在倉米數。不過一百三十餘萬石。僅穀一年七箇月之食。可謂窘矣。當稍存之。以備緩急。而該部庫銀。因

江西四十三年改折，稍有餘積，宜除原放兩箇月折色外，於市價米賤時，不拘月分，再放一箇月，或兩箇月折色，則軍旣利矣。多放兩箇月折色于軍，則省兩箇月本色在倉。每年計米十四五萬石，俟二三年後，庫銀放盡，倉米有餘，却將本色量徵折色再放。且收其腳價之餘，作正支銷。如此則官民兩利，權縮爲盈，可以少資缺乏。此與舊時改折借支坐耗倉粟事體殊不同也。再照各處地方連歲水荒，其以前拖欠勢難蠲免，然民力旣竭，部運頗艱，合無姑准徵折色，仍

分別道里遠近酌量地方財力。湖廣江西除四十三年以後徵本色外自四十二年前准徵折色每石六錢。浙江南直隸除四十一年以後徵本色外自四十年以前准徵折色每石銀六錢。用力輕省理當易完於催科之內。而寓撫字之仁。徵解既便而百姓亦霑朝廷寬恤之恩矣。

一省倉場。以便輸納。查得南京戶部志內開載。國初南京倉庾不過數處。宣德以後增置漸多。見有三十五處。雜水次遠近不同。糧解上納脚價計里出錢。

往往貪得附近倉廩。每被吏書誑騙。近雖行掣籤之例。已爲至公。但掣着遠倉。勞費如故。看得見在倉米。不過一百三十餘萬石。每年所入約與出等。無甚贏餘。大槩所貯。常不能過二三百萬石。總計三十五倉。共廩五百九十座。約容米五百七十八萬石。廩數准米數。常有大半空閒。謂宜將最遠倉廩。若府軍衛倉。府軍右衛東倉。府軍後衛倉。金吾後衛。東西南三倉。神策衛龍驤衛二倉。共八處。暫作空閒廩分。尚有烏龍潭等近水倉二十七處。計廩四百二十六座。約容

米四百二十萬石。收貯有餘。其於糧解上納。頗爲便益。再照廩倉數多。不時倒塌。歲歲修理。大耗公帑。而軍夫困於力役。隨脩隨壞。致使有米之廩。經雨浥爛。無米之廩。空費財力。若將空下八倉軍夫。所承補一尚有可用勻派見貯倉分。協助工力。則修理自然堅固。於公費亦爲節縮。仍行吏部將所空八倉官員。不必銓設。又與近日裁革冗員之例相合。蓋一舉而有三益矣。

一處水兌。以恤繁役。查得舊例。每年自五月起。至九月止。該水兌五箇月。就船放支。務足三十萬石之數。

省下篩曬簾竹驢脚。每石加耗米三斗。通計三十萬石。共耗米九萬石。作正支放。民不加賦而官得餘米。此儲政之長策也。但邇年水兌常不及時。以四十四年論之。纔兌六萬石有零而已。所以然者。其故何哉。水兌之與倉收。同一糧也。計其所費相等。民始樂輸。今倉收每石加耗八升。卽有篩曬簾竹驢脚之費。或不過二斗四五升。而水兌之耗。至于三斗。此民之不便一也。水兌之初。就船免篩。糧解因此。插和糠粃。於是不免上灘而篩矣。米一上灘。雨水淋漓。上無覆蓋。

利害甚明

下多草滋。又無墻垣遮蔽。地方無藉。乘機竊取。場圃脚夫。暗地虧損。糧長防守。晝夜不給。此民之不便二也。合無自今以後。水兌耗米。每石量減五升。灘場所。在。爲築墻垣。起蓋門樓。以通出入。圍基添磚砌高二尺。又量建造厰屋。使便堆積。其費俱於折蓆銀內動支。再照舊時水兌倉米。原無分別。惟以五月至九月。爲水兌月分。南直隸限四月。浙江限五月。江西限六月。七月。近題。准分別水兌倉米爲二項。又臣議欲早徵。與北運齊解。則當於舊限各早一月。其係原派

水兌而遲誤者。不拘月分。仍發水次兌放。舊例於水兌到時。該部臨時差司官二員監兌。今宜改委主事一員專管其事。於京倉中分撥官攢四名。併撥空閒倉分軍斗四十名。巡候答應。如此則既得寬減。又免他虞。糧長之趨水兌。自踊躍而爭先矣。

一減罪贖。以恤民艱。竊照浙直江湖連年水荒。糧解過江。過湖。勞苦萬狀。其違欽定洪限者。例應問罪。固法之不可廢。但查見行事例。每五百石以上者。問有力罪一名。五百石以下者。問稍有力罪一名。雜項

豆草布疋准米數折筭多者令其報名再科前罪以致解戶輪納既完復爲罪繫殊爲可憫自今以後宜除再科之例一批一人者照批問罪不得重科一批數人者止問批頭一二名不得逐名通科復論其違限年月之久近久者照例問罪近者更加寬減如此則既不廢法而亦不爲民病矣。

一專委任以便責成看得倉場作弊俱是官攢歇家脚夫軍斗等項雖有部院嚴禁勢遠難察至於逐日身臨其事耳聞目見隨時禁革者惟在于司屬監收

之官。正統初止設四員，以後漸增至八員，一年一換。因本部差用不敷，或令帶管別差，夫一年一換，則更替不常，因循苟且，而監視欠出納稽覈之詳，帶管別差則查點不時，弊端滋起，而糧解有需索候候之苦。謂宜減省二員，止存六員，以本部劄管日起，直至陞郎中管司印時方行更替，或卽行吏部註選，如管後湖主事之例，仍於所管倉分適中去處置買官房，關防出入，其費皆於變賣席竹銀內動支，如此，則法守畫一，人難規避，尤爲得宜。及查景泰三年令南京各

倉場監督官收放糧草。如有託故回家。致官攢人等狗私作弊者。照闖茸事例。起送吏部。合無許臣及本部查果有前項事情者。照例叅送。如此則法令既嚴。職守自舉。其官攢人役。通同糧斛。挿和糠粃。及一切諸弊。可不勞而坐革矣。

題清查宗藩冊籍疏

萬曆二年十月

照得各王府新生子女。三口後。例該開具。生年月日。并嫡庶生母來歷。具本奏報。隨該宗人府抄出附注宗支簿籍。以後請名請封。本部備行該府。查有

奏報比對 玉冊相同方與題請如無奏報者駁回查勘或立案不行其關係封典誠至重也節據各王府奏 請名封該本司行准宗人府回報多屬互異如 靖江王府經記等先年請名查有奏報今次請封則回無奏報 山陰王府聰洳等先年查無奏報近該覆查則回有奏報又 靖江王府經譚等七十四位則俱稱此年奏報不存以致本部有碍題覆深爲未便所據該府前項冊籍係相沿年久未經清理中間失落緣繇俱未明的又或先時吏胥謄記漏

畧故間多差誤。及奉本部駁行各王府查勘。往往回稱宗人府奏報。回未的確。致誤封期。及稱該府吏胥刁措藉口支吾。殊非事體。見今欽奉明旨。該府官俱已用心查報。夙弊漸釐。獨前項冊籍。尚未清查明白。若仍據舊籍回覆。恐未免如前差誤。看得宗支奏報。他日各封。率繇茲定。而本部題駁。亦據此爲憑。關係甚重。今據宗人府查回奏報。有先後互異者。有經年無存者。本部據之題請。則事例有礙。因之立案。則宗親受抑。不得已行勘。而貧宗困於各衙。

門之需求。其費已不貲矣。夫以宗藩緊要冊籍。而
漏略若此。使吏緣爲奸。甚非所以明法守惠。宗親
也。近奉明旨嚴切。該府官俱已着實奉行。日加詳
慎。所有前項冊籍。正宜及時查理。并議定畫一之規
以爲彼此互稽之法。恭候命下。本部劄委該司官
一員。前去該府會同經歷司官。將節年奏報簿籍。逐
一清查。要見某年見在。某年不存。其不存者的係何
故。挨查明白。置立文簿二扇登記。一留該府。一留本
部備照。其嘉靖三十八年。至萬曆二年。奏報文冊。係

見今請封人數、合吊取過部、令該司官將節年玉牒等冊、逐一查對、仍置立格眼文簿、每宗室一位、置爲五格。先將奏報備填格內、以後請名請封、選婚等項、各填一格、以便稽查。前冊仍送回該府收貯、再照各王府奏報本章、大明會典、明開抄出附注、今前本不下禮科、宗人府徑以辦官接到該府附籍、似非初制、且或有遺錯、何從稽考、以致臨時回報、有無俱在吏胥之手、誠爲弊孔、及查宗藩條例各王府玉牒等冊、俱繇本部封送、合無今後

遇有 王府奏報本章俱令該府官接送禮科抄發
本部填記格眼文簿卽封送宗人府附注宗支簿籍
以後 請名 請封仍行該府查對如本部記有奏
報而該府回稱互異者查係遺錯聽本部據實叅究
如此則冊籍嚴明彼此互考本部題覆有據封典免
致淹期而弊端可革矣又查得各 王府新生子女
除奏報外例有歲報文冊一年一次解部與 玉牒
奏報文冊互相參考違期差錯者卽時叅處載在
宗藩條例甚嚴近來各府率多怠視不行如期造送

相應一併申飭、合無行各王府知會、以後務要如期造報、并將本年內本府宗室殤卒位數、照依歲報造冊一本、同時解部、以憑填記。如遲違差誤者、聽本部照例參究、庶存歿有稽、而弊端自塞。

題勲胥習讀疏

萬曆三年四月

通查大明會典、并嘉靖元年以來、節經諸臣建白奉旨申飭等因、案呈到部、國子監祭酒王錫爵等題稱、近來勲胥、多不送監習學、乞要申明舊制、盡數開送、以後歲以為常、其有托故不至、及不守訓規者、

指名叅奏，并要議立限期，使之挨次出監，或考校學業，從實報部，以彰激勸。各一節爲照，勲爵之家，世受國恩，與同休戚，其諸胄子，皆將來干城腹心之寄，所以待之者甚重，而世祿子孫，驕奢易生，鮮克繇禮，所以教之者甚備。是以皇祖彛典，令送國學，從師受業，磨礱其德器，以冀他日之用。列聖以來，時加申飭，非不嚴也，而各爵習成怠玩，寢廢成規，自隆慶元年以後，止有定西侯應襲、蔣建元等數員在監肄業，其餘通不開送，推其所志，惟以苟延世祿爲計，曾無

宣猷効力之思。苟授之以政。難免面牆。揆諸祖宗
初制。委屬背違。蓋繇以前。雖常督責。緣未立有條約。
所以通不遵守。既經祭酒王錫爵具題前。因誠于教
典。有禪恭候。命下本部。行移五軍都督府。將見在
未任公侯伯等爵。及應襲子弟。但年十四以上。三十
以下者。通行查出。備造年甲籍貫。開送本部。轉劄國
子監習學。不許隱匿。違者指名叅究。此後但有應該
習學者。卽時開送。不得待候題。請仍行吏兵二部
知會。凡公侯伯等官。應襲爵者。吏部于請襲之日。

行本部查其曾否入監習學方准承襲其襲後但年三十歲以下者仍照例送回本部到監肄業應任用者兵部行本部查其習學有無進益方行推任本部遇有冊封差遣亦照舊規查其曾經在監學禮者方許差用其送監習學者除赴京營操演外餘日俱要赴監讀書觀禮本監堂上官用心教習務臻成效但有託故偷安不行赴監及縱肆自恣有違教規者聽本監官從實叅治如果在監日久學業有成者亦聽本監官酌量出學待用若仍願在監者聽令照舊

肄業本監官更加優異仍報本部紀錄以示激勸本部併行南京禮部轉行各該衙門一體遵行庶教典畫一勲胄彬彬嚮學而祖宗育材之制復振於今日矣奉 聖旨勲臣入監習學係 先朝成規近來通不遵守好生怠玩這所奏都依擬行有仍前驕惰曠廢的着本監官從實叅奏處治

皇明經世文綸卷之終